

«12» ապրիլի 2021թ.

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով «ՏԱՎՈՒՇ ՏԵՔՍՏԻԼ» ՍՊԸ-ի տնօրենի ժամանակավոր պաշտոնակատար Միքայել Ավետիսի Եզեկյանի (նույն. քարտը՝ 001814979, ք.Երևան, Արաբկիր, Զարյան փողոց, շենք 110, բն.42) կողմից «Ներքին սպառման համար բացթողում» մաքսային ընթացակարգով թիվ 05100040/240221/0000663 ապրանքների հայտարարագրով հայտարարագրված ապրանքների վերաբերյալ փաստաթղթերը.

Պ Ա Ր Զ Ե Ց Ի

«ՏԱՎՈՒՇ ՏԵՔՍՏԻԼ» ՍՊԸ-ի անվամբ թիվ 05100040/240221/0000663 ապրանքների հայտարարագրով հայտարարագրված ապրանքների համար հաշվարկված ավելացված արժեքի հարկի վճարումը «ՏԱՎՈՒՇ ՏԵՔՍՏԻԼ» ՍՊԸ-ի տնօրենի ժամանակավոր պաշտոնակատար Միքայել Ավետիսի Եզեկյանի կողմից կատարվել է սահմանված ժամկետից 1 օր ուշ:

ՀՀ Հարկային օրենսգրքի 78 հոդվածի 5-րդ մասի համաձայն.

«Բաց թողնում՝ ներքին սպառման համար» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Բաց թողնում՝ ներքին սպառման համար» մաքսային ընթացակարգով ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմնին վճարվող գումարներ:

ՀՀ ՊԵԿ ՀՄՎ ավագ մաքսային տեսուչ-իրավաբանի կողմից 26.02.2021 թվականին «ՏԱՎՈՒՇ ՏԵՔՍՏԻԼ» ՍՊԸ-ի տնօրենի ժամանակավոր պաշտոնակատար Միքայել Ավետիսի Եզեկյանի նկատմամբ «Վարչական իրավախախտումների վերաբերյալ» ՀՀ օրենսգրքի 170³ հոդվածի հատկանիշներով հարուցվել է վարչական իրավախախտումների վերաբերյալ վարույթ:

«ՏԱՎՈՒՇ ՏԵՔՍՏԻԼ» ՍՊԸ-ի տնօրենի ժամանակավոր պաշտոնակատար Միքայել Ավետիսի Եզեկյանին ուղարկված թիվ 22/ՀՄՎ ելից համարով ծանուցագիրը և կից արձանագրությունը փոստային ծառայության կողմից «տեղափոխված» նշագրմամբ հետ վերադարձվել:

22.03.2021 թվականի թիվ /23.1/16033-2021 գրությամբ հարցում է կատարվել ՀՀ Ոստիկանության անձնագրային և վիզաների վարչությանը նպատակ ունենալով ստանալ Միքայել Ավետիսի Եզեկյանի վերջին բնակության և հաշվառման վայրերի վերաբերյալ տեղեկատվություն:

22.03.2021 թվականի թիվ 1/23.1/16014-2021 գրությամբ հարցում է կատարվել ՀՀ կադրաստրի կոմիտե նպատակ ունենալով ստանալ տեղեկատվություն Միքայել Ավետիսի Եզեկյանի անվամբ ՀՀ-ում գրանցված գույքի վերաբերյալ:

24.03.2021 թվականի թիվ 13877-2021 գրությամբ ՀՀ Ոստիկանության անձնագրային և վիզաների վարչությունը Միքայել Ավետիսի Եզեկյանի վերջին բնակության և հաշվառման վայրերի վերաբերյալ տեղեկատվություն է տրամադրել:

29.03.2021 թվականի թիվ 14632-2021 գրությամբ ՀՀ կադրաստրի կոմիտեն տրամադրել է Միքայել Ավետիսի Եզեկյանի անվամբ ՀՀ-ում գրանցված գույքի վերաբերյալ տեղեկատվություն:

Միքայել Ավետիսի Եզեկյանը գործի քննության անցկացման վայրի և ժամանակի մասին փոստով պատշաճ կարգով ծանուցվել է, սակայն չի ներկայացել հրավիրված քննությանը և գրավոր որևէ բացատրություն կամ դիրքորոշում չի ներկայացրել:

«Վճարման հանձնարարականով միջոցների փոխանցումների մասին» ՀՀ օրենքի 2-րդ հոդվածի համաձայն.

Վճարման հանձնարարականով միջոցների փոխանցումը (այսուհետ՝ միջոցների փոխանցում) վճարողի կողմից վճարման հանձնարարականի ներկայացմամբ սկսվող՝ դրանում նշված շահառուին նախատեսված գումարը վճարելու նպատակով իրականացվող հաջորդական գործողությունների համակցություն է: Միջոցների փոխանցումը ներառում է վճարողի վճարման հանձնարարականը կատարելու նպատակով վճարողի բանկի կամ միջնորդ բանկի կողմից հաջորդ բանկին ուղարկված վճարման հանձնարարականը: Միջոցների փոխանցումն ավարտվում է շահառուի բանկի կողմից շահառուի օգտին վճարողի վճարման հանձնարարականի ակցեպտավորմամբ:

«Վարչական իրավախախտումների վերաբերյալ» ՀՀ օրենսգրքի 170³ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելն առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «ՏԱՎՈՒՇ ՏԵՔՍՏԻԼ» ՍՊԸ-ի տնօրեն Միքայել Ավետիսի Եզեկյանի կողմից ՀՀ ներմուծված ապրանքները հայտարարագրվել են թիվ 05100040/240221/0000663 ապրանքների հայտարարագրով, որով առաջադրված ԱԱՀ-ի վճարումը սահմանված ժամկետում չի կատարվել, ինչով պայմանավորված «ՏԱՎՈՒՇ ՏԵՔՍՏԻԼ» ՍՊԸ-ի տնօրեն Միքայել Ավետիսի Եզեկյանի

կողմից թույլ է տրվել «Վարչական իրավախախտումների վերաբերյալ» ՀՀ օրենսգրքի 170³ հոդվածով նախատեսված իրավախախտում:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Միքայել Ավետիսի Եզեկյանին «Վարչական իրավախախտումների վերաբերյալ» ՀՀ օրենսգրքի 170³ հոդվածով սահմանված իրավախախտում կատարելու համար ենթարկել վարչական պատասխանատվության՝ տուգանել **10000** ՀՀ դրամի չափով:
2. Որոշման մասին հայտնել Միքայել Ավետիսի Եզեկյանին:
3. Որոշումն ուժի մեջ է մտնում որոշման կայացման մասին իրազեկելու հաջորդ օրը, կարող է բողոքարկվել վարչական և դատական կարգով, ուժի մեջ մտնելուց հետո երկամսյա ժամկետում:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատարարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է. **900005024055՝ 10000 ՀՀ դրամ, նշել 30 կողը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ